

洞玄靈寶道學科儀卷下

儀八

洞玄靈寶道學科儀下

儀八

太極太虛真人

然燈品

科曰凡是道學當知供養法門有早有夜上燈之法有然有續若道士女官將闍上燈名為續明闍後上燈名為燈明有二種相一者總相二者別相言總相者先於見前可見道寶經寶具座前然之次於見在可見師寶具房前然之或人間宿習所重道法中敬信時節即人外人內然之以祈二種福報一者助天光明

以祈肉眼根淨障翳消除二者助天光明以  
祈周詣遊處常得明了言別相者一已自行  
於本命上然三燈以照三魂行年上然七燈  
以照七魄太歲上然一燈以照一身大墓上  
然三燈小墓上然五燈堂前然七燈以照七

儀八

祖中庭九燈以照九幽俠門二燈以照宮宅  
地戶上二十四燈以照二十四生氣向八方  
然八燈以照八卦四面中央九燈以照九宮  
四面十方然十燈以照十方二十八燈以照  
二十八宿三十二燈以照三十二天五燈分

於五方以照五嶽合一百五十三燈然燈威儀功德至重上照諸天下照諸地八方九夜普見光明侍燈之官爲勤用意每令燈光明徹不得中滅半暗半明也

飲水先呪品

科曰凡是道學當知過中不味聽飲清水或十二時中須水止渴或呪請辟邪若道士女官以杯盛水向杯三吐氣仍以物三打杯凡三呪打杯吐氣率三乃飲之若多人可以大器大不可舉當就打呪水曰

金木水火土五星之氣六甲之精三真天倉  
濁雲常盈黃文赤子守中無傾飲水不飢延  
壽令肥辟邪惡也亦可呪曰

乾元亨利貞神水入腹五藏清明畢飲之兩  
法任用也

奏章品

儀八

科曰凡是道學當知章奏之法或請本住神  
或請虛應神作章紙墨清淨書無草脫又不  
得用殘紙截片紙辭狀素直無飾繁華治氣  
正一行折紙八分章表云上詣三天曹以聞

去再拜一寸三行後安臣姓臣姓後三行施  
年月臣姓中央安太清長二寸半亦三寸真  
正書令可識尾餘白紙三行無者令紙續祭  
酒上章正避戊辰戊戌及計擊上章訖即收  
本隨身滿一百通作言功章燒之不得穢慢

犯漏洩之罪言功燒章如左出太真科

上言謹按文書臣某以某年從師某受將軍  
內外治依法修行宣揚道氣請召真官救護  
萬姓前後章表啓告文書不合即燒者錄緘  
封箱閣卷束積多法不得散猥處用及與他

人散猥處用又不得洩露蟲鼠何施漏濕爛  
壞遺落從來遵行不敢違旨即日依科隨期  
奏滅自某年至今日合若干卷於靜中火化  
煙通昇雲來吉除凶謹請直使正一功曹治  
中虎賁威儀鈴下五百將各二人校尉十二  
儀八  
人功曹主簿幹佐小吏金光童子各五人雲  
中部章督郵從事使者各二人同時監臨對  
事省除塵故採納光新原赦臣愚短不及之  
愆後乞所奏聞悉免寒池請諸官證明將助  
有功依都章言功不負效信恩惟

太上云云標臣某拜上請官監臨斷真乞除  
紙章依常儀也

醮請品

科曰凡是道學當知修請利益有心有身身  
既由他未度天道有所修救須存醮請法門  
內外雜三教之中此當雜教內則起心外則  
苦身醮即一名自有九品一者五帝醮二者  
七星醮三者六甲醮四者三師醮此四醮皆  
請天神當修饌時尤須潔淨果具並令豐新  
不得市諸火熟非嚴整食非潔淨食非一心



食非救苦食違者天神不降也又有五者五  
嶽醮六者三皇醮七者三一醮八者河圖醮  
九者居宅醮十者三五醮此六醮並請地神  
當修饌時尤須潔淨果具並令豐新不得市  
諸火熟非嚴整食非潔淨食非一心食非救  
苦食違者地神不降也凡設天神地神醮諸  
設醮人及師當先齋淨沐浴然後始行法事  
冬至後夏至後先得甲子即請上元甲子醮  
也

都禁品

科曰凡是道學當知修身求度終期正道入  
次第門先禁別嗜慾若道士女官身出息愛  
已入法門切慮法門忌諱誓願都禁直詣道  
場何謂別欲略而計之有十八種不由於他  
已身自敗也一敗邪淫二敗陰賊三敗飲酒

儀八

三

四敗怠慢五敗逆父母六敗逆師尊七敗傷  
衆生八敗殺衆生九敗用衆生肉十敗食衆  
生肉十一敗種五辛十二敗用五辛十三敗  
食五辛十四敗向灶便曲十五敗對二衆脫  
巾冠十六敗慢三光十七敗八節日處刑十

八敗朔日作怒罵凡此諸敗天八大禁三官  
告察是爲重罪一者敗身得見在惡報二者  
敗心得將來惡道令人三魂相疾七魄流競  
胎神所憎三官受惡之時是惡夢絞於丹心  
魑魅乘於朱闕精液馳散神真恍惚子能捐  
欲則爲仙才當存真齋戒無犯衆敗行住坐  
起不損威儀上謝七祖父母三業罪下謝已  
身無邊罪願罪滅已當免十五種人三業輕  
賤也一者免外衆貴人輕賤二者免外衆富  
人輕賤三者免外衆中人輕賤四者免外衆

病人輕賤五者免外衆賤人輕賤六者免內  
衆師尊輕賤七者免內衆勝已輕賤八者免  
內衆劣已輕賤九者免內衆高年輕賤十者  
免內衆小年輕賤十一者免內衆齊年輕賤  
十二者免內衆上座輕賤十三者免內衆中  
座輕賤十四者免內衆下座輕賤十五者免  
內衆疾病者輕賤凡此諸賤念之於行行輕  
賤念之於住住輕賤念之於坐坐輕賤念之  
於起起輕賤已當得免五方地獄之苦當勤  
無上誓願去離輕賤因緣誓願當受敬重因

緣能得道力能得道法能得道行能得道財  
隨分資益內外二衆無道中窮無道中苦無  
俗中窮無俗中苦爲我助行同人無爲平等  
清淨證無上道也

神枕品

科曰凡是道學當知欲作神枕枕中有三十  
二物其二十四物當二十四氣其八毒以應  
八風若五月五日若七月七日取山林栢以  
爲枕長一尺二寸高四寸空中容一斗二升  
以栢心赤者爲蓋厚四分善製之令密又當

便可開閉也又鑽蓋上為三行行四十九孔  
凡一百四十七孔孔容粟米其藥用

芎藭

當歸

白芷

辛夷

杜蘅

款冬花

藁本  
芎藭母也

蜀椒

桂

乾薑

防風

人參

桔梗

白薇

肉蓯蓉

飛廉

柏實

薏苡仁

白朮

木蘭

衡花

秦椒

蘼蕪

荆實一云杜荆實

凡二十四物以應二十四氣又加入毒者

烏頭

附子

藜蘆

皂莢

礬石

莽草

半夏

細辛

此三十二物各一兩先安八味在下後安二  
 十四味在上按之令實為布囊以衣枕常枕  
 之百日面有光澤一年中所有疾病及有風  
 疾皆愈差而身盡香四年白髮變黑齒落更  
 生耳目聰明雖以布囊衣枕猶當復以葦囊  
 重包之須臥枕時乃脫去之矣

儀八

六

### 明鏡要經品

科曰凡是道學當知照鏡欲令見形之法當

以小開戶居暗向明暫閉目思想見面形初  
時漠漠殊無所見中宿之後漸漸洞遠自見  
面目朗朗開明平旦及日未入此時最好若  
口中盛明之時當小閉戶在灼灼中窺鏡終  
無所見也莫在火下照鏡當以火自遠勿得  
逼近火光若欲閉日照鏡自視形體當在灼  
爍明中無所苦若欲閉目思見面形居闇向  
明然後視形耳照鏡大要當安臥思想精誠  
凝至欲臥未臥之間體條條常須更之頃當  
有赤黃光從額上出照耀一室中於是髮鬢



恍惚如覺如臥便自見面形在光中對共相  
視如頃即便消滅臥覺之後輒照鏡欲臥便  
臥思之如前法當夕夕自見也或臥覺兩面  
相對或見己形兩人共并坐或臥寐之間見  
好神童玉女年十五六好衣服頭額正見輒

儀八

七

再拜或身邊聞語聲天下吉凶萬事皆緣預  
知之或自在壁東見壁西或暮臥夢照鏡或  
還光內視五藏照鏡當以甲始立規之法以  
明鏡九寸無令面中有疵瑕正令清明左右  
各去一尺五寸與目齊澡盛井花水著下也

夜照鏡宜用麻油火也自見形分下地再拜  
長跪言吾與子同體今與子分形萬年乞丐  
常與子相隨身形不衰萬年相隨受視中明  
鏡先視形見衆物聽聞人語聲修明鏡有三  
童九女侍之三童長六尺九女長五尺明鏡  
君官屬將吏百二十人治關陽宮主人兩目  
童子精光視見景知吉凶也昔有磨鏡道士  
賃爲百姓磨鏡止責六七錢無他法唯以藥  
塗拭之而鏡光明可以分形變化又能令人  
聰明逆知萬年又能令人與諸天神相見行

其道得法則諸神仙皆來道士得道矣道士  
在石室之中常當懸明鏡九寸於背後以辟  
衆惡又百鬼老物雖能變形而不能使鏡中  
景變也見其形在鏡中則便消已無爲害也

九節杖品

科曰凡是道學當知九節杖輔老救危各有  
名字不可不知

第一節名太皇星

第二節名熒惑星

第三節名角星

第四節名衡星

第五節名張星

第六節名營室星

第七節名鎮星

第八節名東井星

第九節名拘星

皆刻杖節為星名字年四十以下師未受經  
法謂之無爵不得杖若病疾得杖輔病但在  
師左右皆不得杖也

儀八  
作神劔法品

科曰凡是道學當知作大劔法齋戒百日乃  
使鍛人用七月庚申日八月辛酉日用好鋌  
若快鐵作精利劔鏢圓二寸六分柄長一尺  
一寸七分劔刃長二尺四寸七分合長三尺

九寸法鈎鐐長三尺九寸廣一寸四分厚三分半以梢九寸爲左右刃處頭安鐐左右面刻之作九刃字鐐背上刻作九已字皆從劍背下行順刃也順鐐而刻之深刻字以金銀鏤字益分明佳也鐐中央復有望如起小半

鐐者內鐐刻木左面爲日字右面爲月字光又圓刻日外爲郭欲知劍左右內外以正二日南使劍背在上劍刃在下也於是以東西爲左右東面爲左西面爲右東面爲外西面爲內劍梢九寸有兩刃處立刻兩刃處立刻

兩刃中有上内外面各作三丁字從劍兩  
刃頭始作丁字分處如三寸為一字字向劍  
梢刻劍象書如左刻皆當去柄下一寸半如  
此劍恒置所臥牀上御被褥之間使常不離  
身以自遠也既足以逐辟邪魔萬精又以照

儀八

九

五形依經奉致飛仙劍代形耳或謂曰分影  
劍或曰揮神刀劍字干名良非若眠臥恒祝  
呼劍名字曰

良非字干神金暉靈使役百精令我長生萬  
邪不害天地相傾當密呪劍錄之中也刻背

上字下行向劍梢當切謂調文字令齊至兩  
刃之際刻劍左面以斗星已字空面令刃順  
柄下行令齊至兩刃之際刻劍右面以斗星  
已字空面令刃向背順柄下行令齊至兩刃  
之際並當使星字分明均調布滿劍身之中

勿刻刃中也刻作星象皆當周圓刻如小鐐  
狀勿際鐐中央鐵空之實也外當以青囊裹  
之刻作星便似此作屏鐐但使外如鐐內實  
塞也鐐中作堅起文如小半鐐者柄飾玩隨  
人刃長二尺四寸七分柄長二寸七分梢九

寸爲兩邊刃矣背厚三分刃廣一寸四分

詣園廁便曲品

科曰凡是道學當知修身敬服未斷近漏所詣共有若道士女官當先造一處所四向密泥內外周淨莫爲二衆所謗偏曲如登廁之時先解上衣於外然後詣門呪曰

左德神右德神土司命青夫人除其死籍入以生門畢便上廁一者敬法服之神二者修己身之行三者避二衆所觸當於門側別安置淨水淨巾洗淨訖然後取服著之若在草



野中呪曰

林野夫人林野夫人除去其死籍入以生門  
小便呪曰

長須長須令我入金堂玉戶使我長生老壽  
百歲千歲常與汝俱

解惡夢品

儀八

十

科曰凡是道學當知古之真人其寢不夢其  
覺無憂鍊心未精六識緣境日以心闔招得  
惡夢若道士女官及外衆男女遇惡夢時當  
長跪向北方啓

太上大道君言其狀乞得返凶爲吉返禍成  
福密呪曰

太真玉女侍真衛魂三宮金童來守生門化  
惡返善上書三光使我長生乘景駕雲呪畢  
嚙唾七過叩齒七通返枕更臥凶邪消化返  
禍爲福夢忤所見非常慎無語人不言則吉  
論之則凶不論不言萬代無患也

父母品

科曰凡是道學當知兩儀賦命父母遺生生  
道之中須知敬愛出家之人若道士女官身

心依道俗化全隔然於鞠養有殊常俗若在  
遠隨四時省問若在近隨月朔省問在寒在  
熱在涼在暄定省之時見在家兄弟朝夕窘  
切無可資養既無兄弟資養出家之人須知  
所欲量減身上儂八跪觀以供之不得非法之中

別有他用若在家兄弟姊妹姑姨舅氏不在  
此例若獨運慈悲於出家法外萬一聽許亦  
不得以非道中用不得因此以父母之親及  
兄弟姊妹內外眷屬之親同牀席坐同盤而  
食解法衣時不得與俗同處若逢病患孝友

之心自須辛苦勤力醫藥朝夕愛護不得於  
所生父母有所悋惜今之父母是我寄附因  
緣故以禮報之而稱爲父母故當已父母生  
長之恩勿忘之

老病品

科曰凡是道學當知地住受生由雜報習因  
證雜報習果勿初中後分吉凶無定若道士  
女官得內外病得輕重苦不能念慧益已不  
能遊化利人一日二時飲食一年四時衣服  
念念病苦怙恃無從心連色持有二種依憑

一者依憑外衆六種人二者依憑內衆六種  
人外衆六種者一者所在尊德人二者所在  
富貴人三者所在敬信人四者自己父母親  
五者自己兄弟親六者自己姊妹親內衆六  
者一者受道師尊親二者受業門人親三者  
同業朋友親一者同行朋友親五者同處先  
後親六者同心朋友親十二種內外人當於  
老病爲發五種願念一者願念法門二衆無  
孤露苦二者願念法門二衆無驚怖苦三者  
願念法門二衆無飢寒苦四者願念法門二

衆無憶羨苦五者願念法門二衆無覆墜苦  
五種願念得成辦已當行六種供給一者供  
給隨分棟宇二者供給隨分牀席三者供給  
隨分衣食四者供給隨分香燈五者供給隨  
分瓶盥六者供給隨分侍役當知如此人未

儀八

護道前在三際中捨身受身當得五免果報  
一者免孤露苦二者免驚怖苦三者免飢寒  
苦四者免憶羨苦五者免覆墜苦病者當受  
供給之時隨其氣力行住坐起發十二種慙  
愧一者慙愧天尊二者慙愧真人三者慙愧

仙人四者慙愧高天五者慙愧厚地六者慙  
愧日月七者慙愧尊德八者慙愧富貴九者  
慙愧敬信十者慙愧父母十一者慙愧兄弟  
十二者慙愧姊妹願念所受棟宇等具在我  
身時痛苦消化得心業力得身業力得口業

力朝夕思惟讚歎禮拜所生功德報前種人  
恩廣及有緣同得遠離一切病苦成就法門  
內外行者無闕無變一人二人乃至無量人  
悲憫一切咸令受行若在衆行法逼以老病

不堪親受供觀

與觀同

者內衆六種八隨分爲

受矣

減度品

科曰凡是道學當知修建行門有遠有近遠則超凌三界近則長生久視若道士女冠莫非積福所招奉佩三洞位齊五嶽冠服巾褐

儀八

十三

制爲二儀修長生之業習正真之道或形虺而密化或命過爲鬼官是以軒轅昇遐劍舄在焉高丘剖棺而形飛冲天故法身之重死生莫遺凡仙品未充運應減度若命謝之時沐浴梳理加以冠服望昇天行不喚魄也別



安置淨簣敷以淨席徙之其中覆以輕衾杖  
策著左神劔安右緣簣兩邊敷以淨草門內  
外二種弟子居左俗緣男女居右若女冠隔  
幕初展哀痛訖然後以時哭泣別於棺頭置  
一函處盛外法錄一科云三錄封送石室深

穴中及資送之具香藥服飾筆硯巾盥隨身  
法物並令具足勿得厚華金銀財帛也鑿室  
有二種處一者出山林中二者於高寂之地

### 師資制服品

科曰凡是道學當知入我法門師資最重終

期不死理無服制然捨身受身有生滅苦若  
道士女冠門內弟子變服冠白哭泣以時去  
鹹酸七七日沐浴百日復巾服衣作淺黃色  
心喪三年門外弟子謂少不居門師變服冠  
白哭泣以時去鹹酸三七日沐浴復巾服心  
喪三年外學弟子重者同門外禮輕者去鹹  
酸三日謂師君之重不可輕也師君無俗中  
係嗣唯弟子當之相率徒義幡花巾盥香供  
法物以道安措几筵處所百日齋撤之然日  
有遠近在七七外入石室者仍待入室後更

七日沐浴復巾服若師於弟子有哭泣去醜  
酸七日入室以後有心喪不變服謂弟子多  
少不同不可以人人別制若同志同法朋友  
相送冠服微變尋常入室後撤一有哀若是  
本觀停以音聲供養一百日也

儀八

十四

### 父母制服品

科曰凡是道學當知出家離俗資於父母生  
成恩重不可無服降此次第不可無哀若道  
士女冠祖父母暮年之喪不得臨尸於別房  
制哀哭五日不得受弔伯叔兄弟皆如祖父

母五日未殯者在哀也兒婦下流不得哭哀  
畢沐浴復舊而不得制世服犯者失道罪劇  
上科若已父母聽哭展哀哀百日竟復巾服  
變衣作淺黃色心喪三年無復哀哭若日有  
遠近同師尊制凡筵小功五月總麻三月服  
及四海周遊共事等死皆聽殯斂訖往問訊  
依悒慘愴而不得哭也道法無弔問既在人  
門理不容賴却此爲靈寶世間科也

追福功德品

科曰凡是道學當知師祖終雖門內外弟子

及追福功德皆同一法唯恨財力不堪從受  
化日坐五六師齋官若力竭財殫三追坐齋  
也滿一百日建五練生尸齋三日三夜法於  
安措室邊室近亦於觀中滿暮年周化日建  
黃籙齋財貧靈寶齋也滿月周化日修齋而

儀八

十五

隨力所堪一者報師祖智慧恩二者報師尊  
衣食恩三者報師祖將護恩四者報師尊難  
俗恩若居弟子師祖終日慘切悲哽功德追  
其福不得晏然謂犯不孝得四種惡報一者  
當得已後弟子見在遺棄報二者當得已後

弟子過去棄背報三者當得已後弟子未來  
遺棄報各宜用心令三代追念更相開度戒  
之慎之

減度財物品

科曰凡是道學當知修身度心空堂清室名  
爲仙家若道士女冠或爲功德所須或爲口  
命資待或行道而得在房安置或在他處安  
置未得施用而減度者經書鎮觀疏論雜典  
分與門內弟子房內乘騎侍從及有一物已  
上贈送事畢並入本住常住一者爲本住內

衆歷劫福田二者爲他方內外二衆歷劫福  
田三者爲士師三代歷劫福田掌事法門同  
處徒衆親加檢錄無令漏慢翻爲內外二衆  
三代罪田若生前有所處分者從亡師疏若  
非本觀或近或遠所有隨身亡處者亦由本  
觀量準陪死處香油之費餘準上條若有遠  
一千里外人隨近法門常住也



